



UNIVERSITÄTS-
BIBLIOTHEK
PADERBORN

Universitätsbibliothek Paderborn

Assertionvm Theologicarvm Sfortiae Pallavicini Sacrae Theologiae Professoris in Collegio Romano Societatis Iesv. Libri Qvinque

De Substantia, & Proprietatibus naturalibus Angelorum

Pallavicino, Sforza

Romæ, 1652

Cap. 11. A quonam principio fluant species Angelicæ. Vbi etiam generatim
de proprietatibus substantiarum.

urn:nbn:de:hbz:466:1-38892

CAPVT XI.

A quonam principio fluant species Angelicæ: Vbi etiam generatim de proprietatibus substantiarum,

32 **P**robabilius existimamus istas species, nec prouenire effectiuè ab obiectis, nec ab entitate Angeli, sed solum infundi à Deo. Prima pars patet, quoniam obiecta materialia non agunt in potentias spirituales, nisi ratione physicæ vnionis inter spiritum, & corpus; aliter non esset cur anima humana corpori vniretur, si posset habere immediatè species ab obiectis

De Angelis. Cap. XI. 77

iectis materialibus, & non solum mediantibus potentijs sensitivis; vndè cum Angeli nō vniantur objectis materialibus non possunt ab his accipere species eorundem: Secunda pars etiam patet, quoniam entitas Angeli, sicut non habet continere in se similitudines expressas omnium rerum, hoc est cognitiones; sic nec habebit consequenter continere similitudines effectiuas, puta species impressas ipsarum. Hinc est, exclusis alijs modis, resultare veritatem tertiæ partis, quod scilicet infundantur à Deo species Angelicæ.

33 Pro quo sciendum est, quod eæ proprietates, quæ non debentur determinatè alicui substantiæ, sed vagè, & infini-

D 3 tis

tis disiunctiuè possibilibus, pro
varietate circumstātiarum, nō
possunt fluere ab ea substan-
tia. Probatur; quia si fluerent
ab ea substantia hæc contine-
ret in sua virtute omnes illas
infinitas proprietates, quæ ipsi
indeterminatè debentur; quod
esset contra limitationem ip-
sius. Vndè cum non possint
fluere ab ea, debent ipsi impri-
mi à generante. Et quidem im-
mediatè; quia si fieret hoc per
aliud medium, esset procedere
in infinitum. Et sanè in hac re
differunt species à cognitione,
quia hæc cum sit actus vitalis,
non potest procedere imme-
diatè à generante, sed debet
esse à principio intrinsecè cō-
pleto; adeoque supponit speciē
ipsam, at species nil aliud sup-
ponit,

ponit, sed à Deo immediatè
infunditur. Infunditur autem
hæc, vel ea species secundum
quod existunt, hæc, vel ea in-
diuidua, quæ debent per eam
repræsentari. Sicut enim in co-
muni sententia, Terra, posito
exempli causa, quod mundus
potuerit produci in his, vel in
ijs spatijs imaginarijs, habebat
inclinationem vagam ad reci-
piendam hanc, vel eam virtu-
tem, per quam tenderet in hoc
vel illud spatium; & ideò perti-
nuit ad Deum posito quod de-
terminaret vniuerso tale spa-
tium, imprimere terræ hanc
virtutem, quæ ex sua entitate
tenderet ad hoc determinatè
spatium; ita pertinuit ad ipsum
infundere Angelo tales species,
posito quod determinaret exi-

stere ralia obiecta; quia impres-
sio talium specierum non po-
tuit aliundè determinari; Sic
etiam debuit imprimere homi-
nibus, & belluis tales cognitio-
nes insensatas; quæ cum de-
buerint præcedere omnem ex-
perientiam obiectiuam, non
potuerunt ab obiectis deter-
minari.

34 Obijcies primo. Ea acci-
dentia quæ non possunt pro-
duci ab alijs, quam à Deo sunt
supernaturalia: istæ species sũt
naturales, ergo non sunt pro-
ducibiles à solo Deo. Nego ma-
iorem: ad supernaturalitatem
enim formæ non sufficit, quod
effici non possit à causa secun-
da; sed vltèrius requiritur, quod
non exigatur ab ipsa; vt patet
in anima rationali, quæ natu-
rali-

ref. po. Sic mi. tio. de. ex. n. er. ci. ro. ant. ūt. o. na. m. od. n. od. et. u.
raliter producitur, licet effe-
ctiuè sit à Deo solo; quoniam
exigitur à causa secunda; at qui
species exiguntur ab Angelis,
ergo sunt naturales, licet non
efficiantur ab ipsis. Debent
autem à Deo fieri, quia imago
intentionalis repræsentans ali-
quid intuitiuè, & perfectè, flue-
re debet aut ab obiecto repræ-
sentato, aut ab alio continente
totam eius perfectionem; sed
species non possunt fluere ab
obiectis; vt vidimus: obiectorū
verò perfectionem non datur
aliquid continens, nisi Deus,
ergo fluere debent à Deo.

35 Obijcies secundo: species
sunt proprietates Angeli. Ergo
sicut cæteræ proprietates, ita,
& species sunt ab ipsis. Respō-
deo: probabilius esse, quod pro

D s. prie,

prietates non sint effectiuè, nisi
 à generante, exigitiuè verò, &
 aliquo modo per resultantiam
 à substantia illa cui conueniūt.
 Eatenus enim istæ propieta-
 tes distinguuntur à substantia,
 quatenus substantia non de-
 bet eas habere à seipsa, sed par-
 ticipatas ab alio. Vndè ratio,
 quæ probat ab ea distingui,
 probat ab ea non effici; quia
 sic eas nō participaret ab alio,
 si efficeret illas à se: & hoc idē
 valet de speciebus Angelicis.
 Et hic fundari potest axioma
 Thomistarum, quod substan-
 tia non sit immediatè actiua;
 nam circa extrinseca agit per
 intrinseca accidentia; intrinse-
 cas verò proprietates, vel solū
 recipit à generante, vel solum
 efficit per virtutes ab eo recep-
 tas,

De Angelis. Cap. XI. 83
tas, & ab ipsa substantia insepara-
biles, quæ agunt, vt instru-
mentum generantis. Ipsa ta-
men substantia est id, quod
agit, licet id, quod agit sit po-
tentia accidentalis, per quam
agit.

C A P V T X I I.

*An aliqua obiecta, & que nam
Angelus cognoscat indepen-
denter à speciebus.*

36. **S**anctus Thomas
existimat entita-
tem Angeli, & accidentia in-
trinseca cognosci ab ipso in-
determinate à speciebus, nam
species, vel datur vt vniat o-
bectum potentia, vel vt faciat
idem ei proportionatum; ad

D 6 quo.